

四庫全書

史部

欽定四庫全書

欽定南巡盛典卷九十九

奏議

乾隆四十八年正月十五日兩江總督薩載等奏

言欽惟我

皇上

至德誠民

敷天錫福

法宮無逸勤宵旰於幾康

御輦時巡仰春秋之補助

道光虞典肆覲之需

澤惟均地近

堯封江浙之承

恩尤渥

醲膏疊被既決髓以淪肌

玉輅頻臨益嚮歌而卷舞伏念先庚布闔忻捧

綸音大丙首塗得孚輿望顧自

五巡之後又經三載於茲白叟黃童羣望載瞻

雲日茅簷部屋咸思同覲

龍光况夫河海宣防均闕

聖慮䟽濬要務時塵

宸衷前蒙

聖主指示機宜爰是鉅工悉行修舉茲則益倉之鱗塘

將竣徐盱之石堤已成善後良模端賴

金史卷之八十九
卷九十九
親臨指授安瀾成算更祈

睿矚提撕規萬年鞏固之鴻圖益資利賴造億兆蒼生
之福命永獲安全草野之酬報何能難名

帝德民物之阜康胥遂願覩

天顏臣等備員茲土採訪輿情羣黎望

幸之忱實深真摯臣庶迎

鑒之悃倍切歡呼伏懇

聖主於四十九年載駕

鑿輿舉

六巡之盛典早頒

溫旨慰萬姓之瞻依行慶春和仰蒼龍而獻瑞望中雲

物隨

翠罕以呈祥將見華祝嵩呼共廣太平之盛事吳山

越水羣依

日月之光華奏入

上諭恭載

恩綸

乾隆四十八年四月初八日薩載奏言恭照

聖駕巡幸江南沿途應需分設臺站接遞文報用馬甚多上屆乾隆二十七年三十年四十五年因江南驛馬已奉裁減七百匹不敷派應歷經奏請將裁馬七百匹暫行復額應差俱邀

聖恩俞允今乾隆四十九年荷蒙

皇上六幸江浙所有江省驛馬應循上屆之例暫照原

額加增馬七百匹分派沿途經由各州縣准其於
驛站項下借支採買所需草料自本年十一月初
一日為始照依額設驛馬一體支給在於驛站項
下開銷差竣停其支給仍將所買馬匹照數變價
歸還原款如此斟酌辦理則驛馬暫增既於差務
有裨而後差仍行照數變價還款亦於錢糧無虧
奏入報

聞

乾隆四十八年四月初十日薩載奏言恭照歷屆
聖駕南巡所有隨從官兵執事人等應需騎乘馬俱於
通省綠營及江寧京口駐防馬內各撥四千匹分
屯江南江北伺應查江南綠營額馬四千匹於派撥
應差之外所餘無幾誠恐貽悞向於江西營驛馬
內酌調數百匹來江協濟今乾隆四十九年恭逢

聖駕南巡仍應一體照辦臣現移會江西撫臣照例派
撥惟江寧京口駐防額馬原設六千匹因奉裁京

口馬甲二千名即減馬二千匹現存額馬四千匹
儘數當差設遇沿途疲乏無馬添換歷屆俱經奏
明在於豫省旗營馬內酌撥六百匹來江協濟差
竣之後即留江寧京口駐防作為補額之用照江
省買馬價值每匹十七八兩之數解還豫省買補
此次恭逢

翠華重幸江省駐防馬四千匹全行當差誠恐臨期疲
乏無可添換致有貽悞仰懇

聖恩俯准仍於豫省旗營內撥協馬六百匹以應差務
如蒙

恩准仍照上屆由江寧京口將軍衙門於存貯馬價內
照數移還買補臣因差馬緊要謹循例繕摺奏懇
伏乞

皇上睿鑒再此項馬匹應令豫省於本年十月內預期
撥送在於兩省交界地方交收所需沿途草料及
馬夫飯食等項各歸本省照例報銷至江省綠營

馬匹應差日久不無勞傷倒缺應需籌備添換向係
奏請借動司庫養廉馬價銀兩購買餘馬三百匹
以備臨時倒缺添換之用現因各營養廉名糧已
經挑補實兵添有額馬所有應餘馬堪以抵撥
毋庸另行借項購買合并陳明奏入報

聞

乾隆四十八年四月初十日兩江總督薩載山東巡
撫明興奏言恭照乾隆四十九年

聖駕南巡一切差務事宜現在循照舊章次第辦理惟查北來馬駝一項從前定議因江省地方潮熱於馬駝不甚相宜是以由東省委員在於江省徐家渡接收休息三四日拉回東省境上派給嶧滕等州縣分棚喂養於

聖駕回鑾之前趕赴徐家渡伺候應差無悞此乾隆十六年至三十年四屆辦理之章程也上屆四十五年差務經前任山東撫臣國泰奏請改於江省桃

源縣衆興集地方屯養先由江省委員接收轉交
東省委員喂養所需草料由東省備齊運赴應用
其時雖經照辦但桃源之衆興集在運河北岸地
方本窄形勢低窪於屯養牲口不甚相宜以致上
屆馬駝間多疲瘦臣薩載前過山東與臣明興會
晤籌議及此臣明興查江南不產桿草所出豆料無
多若在江省喂養馬駝東省仍需辦運草料往返
本多未便且江省衆興集地處河濱又不如東省

較為寬曠上屆馬駝疲瘦此即江省地方潮熱也
養非宜之明驗臣等熟加商酌前項馬駝歷屆既
在東省境內喂養今四十九年恭逢

翠華重幸應請仍照前四屆章程由東省委員接收拉
回東境分棚喂養於

聖駕回鑾之前趕赴徐家渡伺應不但也養得所馬駝
自必臆壯即需用草料亦省轉運之煩似於差務
有益其在徐家渡休息三四日需用草料即在江

省備用開銷亦屬便捷臣薩載到京

陸見時曾經面陳

聖覽今復與臣明興面商意見相同謹恭摺具

奏奏入報

聞

乾隆四十八年五月初三日明興奏言竊照東省
原額設驛馬三千一百五十四匹於乾隆二十三年
奉裁驛馬六百匹乾隆四十五年恭逢

聖駕南巡經臨東省需用馬匹不敷經前撫臣援照乾隆三十年將東省原裁馬匹請照江南暫行復額之例於驛站項下借支買補應差仰蒙

聖恩俞允乾隆四十九年恭逢

翠華巡幸江浙經由東省展謁

闕里需用馬匹現將營驛一併籌撥尙有不敷仰懇皇上天恩俯照三十年之例將東省奉裁驛馬六百匹暫准借支驛馬項下銀兩買補所需草料夫役等

項亦照上屆之例自本年十一月初一日起照額設馬匹一體支銷差竣停其支給仍將所買馬匹變價歸款於差務既有裨益而所借馬價亦俱歸補無虧奏入報

聞

乾隆四十八年七月初二日薩載奏言恭照

聖駕南巡沿途管押馬匹船隻以及巡防站道等項

均需官兵分派差遣而外出應差一切衣裝盤費

在所必需上屆節次

南巡俱經奏明酌借俸餉兩月以資製備於差竣後分作二年全數扣還清款茲恭逢甲辰年

翠華巡幸應調補辦差官兵現在照例派調據局司道議詳照上屆之例屆期將綠營官兵一律公借兩月俸餉江寧京口八旗官兵現亦照此酌量動借俟差竣之後於乾隆四十九年夏季起分作二年照數公扣還款其江西省管理協濟馬匹及來南

辦差官兵亦請一律借給臣查與上屆節次借案相符所有辦差官兵循例借給俸餉緣由臣恭摺奏明奏入報

聞

乾隆四十八年九月三十日江蘇巡撫閔鶚元奏言竊照歷屆恭逢

鑾輅巡幸江南

扈從官員兵丁人等沿途需用錢文恐一時市價騰

踴俱動撥官錢分派各站兌換應用如存局之錢不敷派撥均經奏明酌量加卯鼓鑄明春恭逢

皇上六巡臨幸所有應備錢文據蘇州布政使永保等詳稱厯屆需用官錢九萬五千餘串寶蘇局存貯庫錢扣至四十八年年底計應存錢八萬餘串但尚有應放各標營春餉錢文不敷派撥請循照成例鑄錢十四卯計可得錢四萬七千串以備撥用並聲明厯屆現存銅鉛點錫足數配鑄詳請具奏

臣查明春恭遇

鑾輅經臨各差站應備買賣街發兌官錢據該司等請
加鑄局錢十四卯湊撥應用係屬循例應行預備
之項除飭司照辦外謹會同兩江總督臣薩載恭
摺具奏奏入報

聞

乾隆四十八年十月二十七日明興奏言恭照

聖駕南巡經臨東省所有隨營站道辦差及調赴別汛

聽候派撥之各營官兵上屆奏請預借一季俸餉
分年扣還蒙

恩俞允明春恭逢

鑾輅巡幸江浙據各該鎮協援例請借合無仰懇

聖恩循照上屆之例

恩准借支俸餉仍按例分年扣還俾各營官兵辦差資

斧寬裕更必奮勇趨事益戴

聖恩高厚於無既矣奏入報

聞

乾隆四十八年十一月初八日總理營行事務和碩莊親王永瑋奏言明春

聖駕南巡所有應行預備各事宜應查照四十五年之例預為派辦臣等查得早路俱有

行宮其大城蒙古包帳房等項停止備帶惟將共城蒙古包帳房等件備帶二分前往水路所需黃布城二分仍照前次由驛先行送往直隸廠交地方

官臨期轉交隨往之護軍統領武備院支搭回

鑾時山東水路仍須應用仍照上屆由江南催騾二百頭應付前鋒護軍仍派七百名此次所帶古城應需駝隻及茶膳房等所需駱駝車輛應需若干酌定數目知會兵部由部支給揀駝兵丁合數酌派再拉船揀兵由河兵內揀派戶部內務府應備帶賞用銀兩緞疋奏明帶往侍衛派出三班各處官員酌量派出到江南登舟時將兵丁酌減止揀派

五百名章京四十員虎鎗營侍衛兵丁七十員名
仍照向例揀選四十名當差外其餘歸入三班侍
衛前鋒護軍數內選派應行給與官馬人等俱全
數放給往回行程約計一百三十餘日所有路費
亦照一百三十日滿支上船後大臣官員等馬匹
存留家人喂養拜唐阿兵丁所騎官馬及官駝俱
交給山東巡撫分屯喂養又喂養存留馬匹所需
麩草豆高粱等項交該省照例預備沿途所安臺

站兵部勘明

行宮共營地方交該督撫於通省驛馬內抽調備用
所有經過地方共營道路橋梁等項交該督撫照
例預為脩辦隨往大臣官員等將春季應得俸祿
於年內預為支給侍衛鑾儀衛章京等除賞給銀
外仍給與幫貼銀內其應派約束存留兵丁家奴
等之大臣承辦回京所需車輛之大臣俱於臨時
奏明請

旨派出又查上船後所需馬匹大江以北派綠營馬四千匹大江以南派八旗馬四千匹到浙江時添派馬二千匹放給之處應由兵部行知該省亦照前次辦理隨從

御舟船隻及攆捧所需馬匹交該省亦照上屆辦理所有各該處人數俟報明總理行營處彙總咨行該省核辦交放船隻仍交兵部亦屆上屆妥辦

御前大臣領侍衛內大臣軍機大臣

乾清門行走大臣侍衛等船隻及裝載

御馬船隻上駟院武備院侍衛官員鑾儀衛章京批本
奏事軍機處侍衛處內閣兵部官員船隻俱照上
次在前行走其餘船隻俱在後行走如有應辦事
件應在前行走者臨期令各該處自行具奏江南
河道窄狹應嚴加管束衝擠之處交出管船大
臣會同護軍統領於船隻行走各處嚴行管束浙
省放馬等事亦照前次同江南一體辦理

聖駕南巡事畢回

鑾至德州起早由陸路行走所有經過地方應行辦理
六營道路橋梁等項俱交該督撫備辦前往時仍
照向例於青州副都統處備辦滿營馬八百匹再
交山東巡撫在綠營馬匹內派出一千二百匹共
馬二千匹於泰安地方為隨往官員兵丁所騎官
馬內有實在疲瘦者預備補換回

鑾時交直隸總督著派綠營馬二千匹在於德州地方

預備補換再前次上駟院所給拜唐阿太監等乘
騎官馬俱係留於河北官給草豆喂養所有應需
照管人等內難免匪類混行滋事今次上駟院所
帶圈馬仍照例喂養外所有七百匹官馬亦同兵
丁所乘之官馬一併交山東巡撫分棚喂養俟
命下之日行文各該處遵照辦理奏入報

聞

乾隆四十八年十一月十一日鴻臚寺奏言向例

凡遇

皇上行幸沿途地方文武官員於百里內接送查乾隆

四十八年十一月

巡幸山東又乾隆四十五年

巡幸江南臣等將經過沿途地方文武各官于幾十里
以內接送之處具奏均奉

旨着三十里以內接送欽此此次

皇上親詣

闕里後

巡幸江浙所有沿途地方文武各官於幾十里以內接
送之處理合具奏請

旨恭候

命下臣寺行文知照各該督撫謹遵奏入
上諭曰着在三十里以內接送

欽定南巡盛典九十九

欽定四庫全書

欽定南巡盛典卷一百目錄

奏議

欽定四庫全書

欽定南巡盛典卷一百

奏議

乾隆四十八年十一月十四日倉場總督書麟蔣
賜蔡奏言恭查乾隆三十年

聖駕南巡因河道糧艘應須沿途催攢經前任倉場侍
郎溫福蔣炳奏請

欽派一人隨往奉

金匱口屋台言 卷一百
旨着派溫福欽此又乾隆四十五年

南巡前任倉場侍郎雅德同臣蔣賜棨恭摺奏請蒙

恩准派臣蔣賜棨隨往明春恭逢

翠華南幸伏乞

皇上於臣書麟臣蔣賜棨二人內派出一人隨

駕前往以便沿途催攢漕船並可聽

派差遣奏入

上諭曰著派蔣賜棨隨往

乾隆四十八年十二月二十二日大學士公阿桂
等奏言恭查上數次

皇上南巡隨往江浙大臣官員兵役執事人等奏明統
以六千馬匹核計隨往明春

聖駕南巡所有隨往渡黃上船人數據各該處冊報共
三千二百四十七人臣等按照向例隨其品級之
大小及差使之緩急酌量分派共需馬五千八百
四十八匹尚未奏明統以六千馬匹核計之數至

渡黃以及各名勝處原奏派馬俱在四千匹以內
今照原奏或按人減馬或按差減人渡黃時需馬
三千九百四十九匹名勝處需馬三千七百七十
二匹俟

命下交該部行知兩江總督查照并交兵部照例辦給
馬票一面知照各該處將單內隨往名勝處所減
派人數自行通融辦理至船隻一項仍令該督遵
照舊定章程將預備

上用船隻及裝載

御用什物等船敬謹預備又明年

阿哥三位隨往江浙跟隨船隻向無定例應令該督

查照

內庭主位之例酌減預備其餘隨往官兵人等需用
船隻仍按從前奏定船數現在該省所有船隻照
單內人數分別派撥至浙省應如何給票監放之
處即照江省之例辦理應令兩江總督就近知照

浙省督撫遵照妥辦奏入報

聞

乾隆四十九年正月二十九日湖北巡撫姚成烈
奏言竊照安南使臣黃仲政等進京臣准廣西撫
臣咨會當經飭委署武黃同知錢敬熙漢陽營守
備汪琮前往迎護嗣據該使臣等於十二月初十
日行抵省城照例犒勞撥給站船乘坐正擬俟其
出境具奏間茲臣於十二月二十七日在荊門州

欽奉

上諭安南使臣行走約於明年閏三月間方可到京彼時距回鑾之期尚遠未免守候需時不若由湖北取道江西安徽於閏三月初旬駐蹕江寧時令其在彼就近瞻仰著傳諭姚成烈即傳知護送委員並咨會沿途各督撫一體委員交替接護並扣筭程途先期數日令其抵江寧亦不必太早欽此仰見我

皇上柔遠深仁至周至備臣查自湖北省城至江寧約

計水路一千四百餘里今值初春計該使臣於三
月杪抵江寧為日尚寬隨行司諭令委員扣筭水
路程途按日行走不得稍有遲速茲據詳稱該使
臣現在漢口製備春衣尚湏時日今應於正月下
旬自漢口護送起程二月初旬可出楚省之蘄州
境復自江西安徽等省從容前進務令計期於三
月杪閏月初間行抵江寧俾該使臣等就近瞻仰
天顏既免遠行亦不至太早該使臣等頂戴

聖恩益無既極再該國謝

恩并慶賀儀物向由廣西撫臣委員代解前據廣西南
寧府同知潘鍾濂管解於十二月十二日由湖南
巴陵縣陸路入湖北蒲圻縣境已於十二月二十
三日由應山縣送至河南信陽州交替託合併陳
明奏入報

聞

乾隆四十九年正月三十日衍聖公孔憲培奏言

伏查向來

駕幸孔林係於

亨殿前恭設

降輦處乾隆四十一年兼管太常寺禮部侍郎臣達敏

會同臣父孔昭煥高度改設

降輦處於

亨殿之後因殿後角門門口太狹難進

御輦而止嗣於

聖駕回鑾後臣父隨將角門改建寬大門口高八尺七寸潤六尺七寸並將楷亭撤去欄檻改作四面敞亭由角門內轉北過楷亭可以直達

座落亭前今此次恭遇

皇上幸林酌酒臣謹擬即於

座落亭前恭設

降輦棕薦距

御拜位路長二十二丈較從前

降輦處近十六丈再廟內

聖蹟殿前有東西角門兩座門口舊僅三尺二寸今亦一律改建寬大門口濶六尺三寸與南向正門相仿恭備可通

御轎奏入報

聞

乾隆四十九年三月十一日刑部奏言乾隆四十九年二月二十二日奉

上諭朕清蹕巡方順時行慶而矜恤庶獄屢念尤深宜沛德音用敷愷澤江蘇安徽浙江三省軍流以下人犯俱著加恩各予減等發落用昭肆眚施惠之至意欽此仰見我

皇上稽古省方

恩膏遍沛

溫綸之覃被如春億庶之歡騰載道所有江蘇安徽浙江三省軍流以下人犯荷蒙

金史卷一百一十五
聖慈各予減等俾得改過自新勉為良善誠格外之殊恩難邀之

曠典臣等恭查上次

皇上巡幸江浙欽奉

恩旨軍流以下人犯各予減等發落經臣部奏明除叛逆緣坐強盜免死發遣家奴吃酒行兇棍徒生事擾害用藥迷拐子女開窩誘賣為從并例應給披甲人為奴及擬遣之積匪猾賊搶竊滿貫及三犯

竊盜擬絞緩決減等及私創人參私鑄十千以上
為從不及十千為首并擬遣新疆以及由新疆改
發內地等項人犯俱屬情罪較重不准減等外其
餘尋常軍流以下人犯一概分別減免奉

旨依議欽此今恭逢

恩旨應請仍照乾隆四十五年之例除緣坐等項情罪
較重人犯及改發新疆并停發新疆改發內地人
犯俱係情節較重均毋庸查辦外其江蘇安徽浙

江三省一切尋常軍流遣犯并犯該發遣黑龍江寧古塔及雲貴兩廣人犯不在前議條款之內者情節與軍流相等事犯在

恩旨以前應請一體減為杖一百徒三年徒罪人犯概減為杖一百雜犯准徒摠徒人犯逃減一年已經到配決杖徒犯即行釋放逃徒并免緝拿枷杖人犯俱應寬免應刺字者並免刺字應追贓者仍予追贓其應減軍流遣犯內已犯未審已審未結已

結未解及已經起解計其程限尚未到配者均照
例准其會

赦減等再江浙之人有在他省犯案送回原籍追贓發
配者今既在籍遘逢

恩旨亦應一體准其減等其他省之人罪犯軍流並發
江浙省與江浙之軍流不同未便濫邀

曠典至該三省題咨到部尚未核覆及嗣後到部之案
核其事犯在

恩旨以前查與

赦款相符者臣部隨案聲明分別減免

命下之日臣部行文各省督撫遵照辦理奏入報

可

乾隆四十九年三月二十日薩載奏言竊照各省
雨水農田時厓

宵旰江南地方本年正二月內曾連得雨雪二麥春花
已俱長發仍需雨澤滋培更可暢茂茲臣叩送

聖駕後回蘇辦事於三月十四五兩日得有微雨數陣
十五夜間得雨優渥入土計有二寸餘於農田甚
為有益現在陰雲密布雨勢廣遠除行查通省各
屬是否一律均霑另行具奏外所有蘇城地方得
雨情形理合恭摺奏

聞仰慰

聖懷奏入

諭曰正盼此信似覺欠霑足耳不如此間

乾隆四十九年三月二十三日薩載奏言竊臣於
本月二十日接准乾隆四十九年三月十九日奉
上諭據閔鶚元奏十五日震澤縣地方得有大雨入土
深透吳江蘇城一帶均各霑足等語昨據薩載奏報
蘇州於十四五兩日得有微雨十五夜間得雨二寸
看來尚未能霑足震澤地方距蕪城僅四十里或迤
北微小亦未可定至蘇州雨澤情形何以薩載與閔
鶚元所奏互異著傳諭薩載閔鶚元即將該省得雨實在

分寸曾否霑足之處迅速具奏欽此伏查蘇州於十
四五日得有雨澤臣暫駐蘇城接據府縣等稟報
得雨入土二寸有餘是以據稟繕摺具奏查是日
雨水各屬稟報入土大小情形不一如蘇州以至
常州鎮江得雨二三寸不等揚州所屬之江都甘
泉境內得雨四寸寶應境內得雨五寸淮安清河
桃源邳州睢寧一帶得雨二三寸宿遷境內得雨
六寸均稱普遍前奉

諭旨垂詢業經臣於二十日午間繕摺由駟覆奏查此
次江省得雨分寸雖多寡不等而本年正二月內
連得雨雪土膏尚屬滋潤今得此雨水可稱一律
霑足仰荷

聖明厘念謹再據實覆奏上慰

聖懷奏入

諭曰此間復得雨想亦優霑矣

同日薩載又奏言竊臣前奏十四日蘇城得雨

情形一摺欽奉

上諭浙江杭州海寧一帶于十五十六兩日連得透雨
見雲氣皆向東北江蘇各屬似應一律均需本日據
薩載奏報蘇州於十四五兩日得有微雨數陣十五
夜間得雨二寸等語看來尚欠霑透不如此間優渥
江南如此則山東直隸此次雨澤未能一律普遍可
知朕心深為廑念著傳諭薩載將現在江南各屬是
否續得透雨並諭明興劉我將山東直隸曾否得有

雨澤之處查明迅速覆奏以慰懸注欽此臣跪讀之
下仰見我

皇上厯念農田至意伏查十四五日蘇城得雨臣即飛
飭各屬查報去後連日接據常州府屬之無錫金
匱武進陽湖鎮江府屬之丹陽丹徒金壇揚州府
屬之江都甘泉興化高郵寶應淮安府屬之山陽
清河阜寧桃源徐州府屬之宿遷邳州睢寧等州
縣陸續報到均於十五日得有雨澤內寶應得雨

五寸宿遷得雨六寸餘俱二三四寸不等查宿遷
界連山東該縣得雨六寸洵稱優渥山東直隸一
帶當已一律普遍再據盧鳳道王懿德稟報鳳陽
府城十五日子時起密雨達旦尚未止息現在飭
查另報其餘各屬尚未報齊容俟續報得有透雨
再行具奏奏入

上諭曰覽奏稍慰

乾隆四十九年三月二十七日薩載閔鶚元奏言

竊照蘇州地方於本月十四五等日得雨并常州
鎮江揚州淮安徐州等屬報到相同節經臣等繕

摺奏蒙

聖鑒茲蘇城於二十三日細雨竟日自酉時起至二十
四日子時漸次綿密頗為優渥查前次得雨於久
晴之後入土即滲此次雖屬細雨較前更為有益
據該府縣查明四野均霑入土二寸二麥春花得
此連雨滋培青蔥暢發豐收可卜連日臣等又接

據蘇州府屬之崑山新陽常熟昭文太倉州并所屬之嘉定鎮洋常州府屬之靖江江寧府屬之上元江寧句容江浦揚州府屬之泰州淮安府屬之安東鹽城徐州府屬之銅山沛縣蕭縣碭山及安徽省太平府屬之當塗鳳陽府屬之鳳陽定遠穎州府屬之蒙城又泗州并所屬之五河滁州并所屬之全椒及六安州等州縣稟報均於十四五日先後一體得雨內定遠自十四日辰時起至

十五日未時止得雨入土計有一尺鳳陽境內入土六寸江寧省城上元江寧二縣境內入土五寸其餘各州縣得雨俱入土三四寸不等臣等逐加察核各州縣所稟十四五等日得雨雖入土分寸多寡不一而通省實已普遍現在蘇州復得雨澤雲氣陰濃雨勢未止遠屬亦必一體續得此皆我皇上愛民念切有以感召休和恭值

鑿輅時巡春膏疊沛遐邇優霑農氏莫不額手稱慶臣

等謹恭摺具奏仰慰

聖懷奏入

上諭曰以手加額欣慰覽之

乾隆四十九年閏三月初二日禮部奏言安南國王黎維禱遣陪臣黃仲政等賚表進貢慶賀謝

恩前來令據兩江總督薩載咨稱該陪臣等於閏三月

初五六日即可抵江寧省城臣達椿臣德明先行前往恭接表文照例交內閣具題外至該陪臣等接

駕處所謹擬於離城五里太平門外蔣廟地方恭迎
聖駕瞻仰

天顏例應在禮部筵宴一次館寓筵宴一次令遵奉
諭旨在京寧將軍衙門

賜宴臣等照例陪宴奏入報

聞

乾隆四十九年十二月初一日薩載奏言竊照乾

隆四十九年春恭逢

聖駕六巡江浙

恩膏疊沛億兆歡騰江南省一切預備事宜先經臣與各撫臣查照上五屆章程分別增減設立總局肅司其事凜遵

聖諭槩從儉樸不敢稍事增華

清蹕所經舉凡水陸營盤橋梁道路與夫

行宮名勝夫馬船隻等項所需經費悉動

恩賞各款銀兩辦理於地方官民毫無擾累如工程一

項上屆自乾隆三十年至四十五年相隔十五年之久修費不無稍多此次自四十五年至四十九年僅隔五載各工只須量加修飾見新并将桂家

莊

行宮遵

旨移建楊家莊地方又徐家渡駐

蹕水營移於新莊河口駐

蹕水營移於對岸並於銅山境內添設尖營一處餘俱

照舊臣與撫臣並總局司道工年先行周歷各屬
查勘指示派委熟諳人負詳細確估由總局覆核
具詳臣等批定然後發銀興修此外各項亦俱飭
令各州縣照依往例預備估計詳定差臨有應行
增減之處即責成總局司道核明隨時記檔自差竣
之後臣與撫臣督飭總局司道逐一核實照冊報
銷其有不在預估及並無詳報案據係地方官自
辦者一概刪除不准銷筭以杜浮冒差後有應變

價者亦經照估折變歸款不在准銷銀數之內又
緯夫一項因原任松大道盛保辦理不善所用夫
價銀三萬餘兩奏明着落盛保分賠一半臣薩載
與撫臣閔鶚元分賠一半不准開銷餘供核實無
浮除例應報部各款請動支司庫正項銀十二萬
五千三百餘兩較上屆少用銀二萬五千餘兩循
例由撫臣會核

題咨請銷具移新修舊各項工程並磚石橋梁道路

早夫船隻車驟等項計共用銀四十三萬四千九百八十八兩七錢五分四厘即於歷次

恩賞各款銀內動用較之上屆計少用銀七萬七千餘兩現在分款造冊咨送軍機處核銷又開挑便民港並瓜洲城河金壇漕河用銀一十六萬一千八百五十九兩三錢七分八厘現在另摺核銷具奏此外共存

恩賞及各項存公銀十一萬八千五十二兩九錢一分

九厘應請留為下屆差務之用再乾隆三十年差

案

恩賞用存銀六千四百四十三兩零及河庫撥解水利
平餘銀一萬三千八百二十七兩零二共銀二萬
二百七十兩零經前督臣高晉奏明發典生息以
為歲修差案工程並看管人役飯食之費現仍存
典生息照案辦理合併聲明所有乾隆四十九年
差務事竣分別報銷緣由臣謹會同江蘇巡撫臣

具奏奏入報

聞



欽定南巡盛典卷一百